

# Ētahi huatau pai mō te haumarū ā-ipurangi



## Anei ētahi mōhiohio hei āwhina i a koe kia noho haumarū i te ipurangi.

He tari kāwanatanga a CERT NZ e tautoko ana i te tangata me ngā pakihi e raru ana i te haumarū ā-ipurangi.

Ko tā CERT NZ he whakarato mōhiohio me ngā tohutohu pono.

E mataara tonu ana mātou ki ngā whakatuma ā-ipurangi ka whai pānga pea ki ngā tāngata o Aotearoa.

Ka mahi a CERT NZ me ētahi atu tāngata me ngā rōpū haumarū ā-ipurangi, i konei me tāwāhi, ki te āwhina kia noho haumarū a Aotearoa i ngā whakatuma haumarū ā-ipurangi.

## /// Me whakamahi i ngā kupumuna roa, kaha, ahurei hoki

Inā te kaha o te kupumuna roa ki te kupumuna he uaua ngā tau, ngā pū me ngā tohu.

Ko te huarahi māmā o te whakamahara i tētahi kupumuna roa, ko te whakamahi i tētahi rerenga e whā neke atu rānei ngā kupu.

Hei tauira, popcornwithbutterisbest!1

## /// Whakamahia tētahi kaiwhakahaere kupumuna

He mea hira tonu te whakamahi i tētahi kupumuna rerekē mō ia o ō pūkete tuihono. Ko te tikanga o tērā he nui ngā kupumuna hei whakamaharatanga!

Mā tētahi “kaiwhakahaere kupumuna” e āwhina.

He rite ki tētahi pouaka haumarū tuihono, ā, kei a koe anake te kī. Ka rokirokitia ō kupumuna katoa kia haumarū ai.

Ko tāu noa hei maharatanga ko tētahi kupumuna kaha kotahi mō tō kaiwhakahaere kupumuna, ā, māna e mahi ngā mahi!

## /// Whakakāngia te motuhēhēnga-rua

Ko te motuhēhēnga-rua (2FA) he paparanga haumaruru tāpiri mō ō pūkete.

Ko te tikanga o tēnei, kua tāpiritia he hipanga anō i muri i tō takiurunga, pēnei i te whakauru i tētahi waehera kua whakaratoa e tētahi taupānga i tō waea.

Ka taea e koe te whakamahi i te 2FA i tō waea, papahiko, taupānga me ngā pūkete.

Kitea ai te kōwhiringa ki te whakakā ake, i runga i ngā tautuhinga tūmataititanga o te taupānga, pūkete rānei.

## /// Whakahoutia ō pūrere

Ina whiwhi matohi koe ki te 'whakahou' i tō pūrere (hei tauira, rorohiko, papahiko) kua e whātuturi — me wawe tonu te tāuta.

Ko tā ngā whakahoutanga he whakatika i ngā ngoikoretanga haumarutanga. Mā te whakahou pūmanawa e ārai atu i ngā kaiwhakaeke kei whakamahia aua ngoikoretanga hei uru ki ō mōhiohio.

Whakaritea ngā whakahoutanga kia aunoa te whakahou i te wā e wātea ana he putanga hou. Ki te pēnā koe, kua kore e mate ki te whai whakaaro ake!

## /// Tirohia tō tūmataititanga

Tirohia te nui o ngā mōhiohio whaiaro mōu e tiria ana e koe i te ipurangi, ā, e tiria ana ki a wai.

Kei whakamahia pea ngā mōhiohio e tiria ana e koe i te ipurangi e ngā kaiwhakaeke ki te uru ki ō raraunga, te whānako rānei i tō tuakiri.

Tirohia mēnā e tūturu ana ngā tono mōhiohio whaiaro i mua i tō tiri i ō taipitopito.

Ki te tono tētahi umanga, pakihī rānei i ō mōhiohio, tēnā whakaarohia he aha te tikanga o tā rātou tono.

Ki te kore e tino tau, kua e tukuna ngā mōhiohio.

## /// Whākina

Ina pā he maiki tuihono ki a koutou ko ō hoa, tō pakihī rānei, whākina ki CERT NZ

**[www.cert.govt.nz](http://www.cert.govt.nz)**